



Broj: 18.7.3-16.4-4880-6 /15
Datum: 07.09.2015. godine

NARODNA BANKA SRBIJE
ZAVOD ZA IZRADU NOVČANICA I
KOVANOG NOVCA – TOPČIDER

Ul. Pionirska br. 2
11000 BEOGRAD

PREDMET: Odluka o provođenju procedure pregovaračkog postupka sa objavom,
dostavlja se

U prilogu Akta dostavljamo Vam Odluku o provođenju procedure pregovaračkog postupka sa objavom obavještenja broj: 18.7.3-16.4-4880-5/15 od 03.09.2015. godine.

Obzirom da u otvorenom postupku javne nabavke naljepnica odobrenja boravka u BiH broj: 18.7.3-16.4-4880/15 dostavljene ponude ne ispunjavaju uslove kvalifikacije, a osnovni uslovi za dodjelu ugovora se nisu bitno promijenili, Ugovorni organ je donio Odluku o provođenju procedure pregovaračkog postupka sa objavom obavještenja

Ugovorni organ će Vam u skladu sa članom 20. stav (1) tačka a) Zakona o javnim nabavkama („Službeni glasnik BiH“, broj 39/14) uputiti zahtjev da otklonite nedostatke u Vašoj ponudi, te Vašu ponudu učinite prihvatljivom.

S poštovanjem,

Prilog: Odluka broj: 18.7.3-16.4-4880-5/15
od 03.09.2015. godine

Dostaviti:
-Naslovu
-a/a



ZAMJENIK DIREKTORA

Dr. Izet Nizam



Broj: 18.7.3-16.4-4880-5 /15

Datum: 03.09.2015. godine

Na osnovu člana 61. Zakona o Upravi ("Službeni glasnik BiH", broj 32/02 i 102/09), člana 23. stav 1. Zakona o službi za poslove sa strancima ("Službeni glasnik BiH", broj 54/05 i 36/08), i Zapisnika o pregledu i ocjeni ponuda broj: 18.7.3-16.4-4880-4/15 od 01.09.2015. godine, zamjenik direktora Službe d o n o s i:

O D L U K U
O PROVOĐENJU PROCEDURE PREGOVARAČKOG POSTUPKA
SA OBJAVOM OBAVJEŠTENJA

Član 1.

Prihvata se preporuka Komisije za javne nabavke Službe da se ugovor o javnoj nabavci naljepnica odobrenja boravka u BiH dodijeli u pregovaračkom postupku s objavom obavještenja.

Član 2.

Odobrava se provođenje procedure javne nabavke naljepnica odobrenja boravka u BiH, u skladu sa Zakonom o javnim nabavkama BiH i Zakonom o budžetu Institucija BiH i međunarodnih obaveza.

Član 3.

Procedura javne nabavke iz člana 2. ove Odluke provest će se u skladu sa članom 20. Zakona o javnim nabavkama BiH („Službeni glasnik BiH“, broj 39/14) i Zapisnikom o pregledu i ocjeni ponuda broj: 18.7.3-16.4-4880-4/15.

Član 4.

Za realizaciju ove Odluke zadužuje se Sektor za administraciju i Komisija za javne nabavke Službe.

Član 5.

Ova odluka objavit će se na web stranici Ugovornog organa, www.sps.gov.ba, i istovremeno će se uputiti ponuđačima koji su učestovali u postupku javne nabavke.

Član 5.

Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju procedura javne nabavke naljepnica odobrenja boravka u BiH broj: 18.7.3-16.4-4880/15 od 16.07.2015. godine i proveden je putem otvorenog postupka.

Obavještenje o nabavci broj 1420-1-1-22-3-16/15 objavljeno je na Portalu javnih nabavki i objavljen je sažetak obavještenja u Službenom glasniku BiH broj 59. od 27.07.2015. godine.

U postupku ocjene ponuda Komisija za javne nabavke Službe je izvršila otvaranje ponude i ocjenu pristigle ponude o čemu je sačinila Zapisnik sa otvaranja ponuda i Zapisnik o pregledu i ocjeni ponuda.

Do roka za dostavu ponuda ponudu je dostavio samo jedan ponuđač i to:


- „Narodna banka Srbije – Zavod za izradu novčanica i kovanog novca – Topčider“ Beograd.

Komisija za javne nabavke Službe imenovana Odlukom direktora broj: 18.1-02.2-679/15 od 28.01.2015. godine izvršila je pregled i ocjenu ponuda (Zapisnik o pregledu i ocjeni ponuda broj: 18.7.3-16.4-4880-4/15 je u prilogu Odluke) i utvrdila da ponuđač u svojoj ponudi nije dostavio Spisak povjerljivih informacija (Aneks br. 6), te uputila preporuku zamjeniku direktora Službe da se postupi u skladu sa članom 20. Zakona o javnim nabavkama („Službeni glasnik BiH“ broj 39/14), kojim je propisano da se ugovor o javnoj nabavci robe, usluga ili radova može dodijeliti u pregovaračkom postupku s objavom obavještenja ako se u otvorenom postupku dobiju sve ponude koje ne ispunjavaju uslove kvalifikacije, a osnovni uslovi za dodjelu ugovora se nisu bitno promijenili. U tom slučaju ugovorni organ nije obavezan ponovo objaviti obavještenje o nabavci, pod uslovom da pozove ponuđače, odnosno kandidate da otklone nedostatke u svojim ponudama, te svoje ponude učine prihvatljivim.

Uzimajući u obzir navedeno, odlučeno je kao u dispozitivu ove Odluke.

Dostaviti:

- svim ponuđačima
- web stranica Službe
- a/a



ZAMJENIK DIREKTORA
Dr. Izet Nizam